

**Hydrophthalmia sive hydrops oculi ... / praeside Burc. Dav. Mauchart ...
respondente Christoph. Paulo Beger ... MDCCXLIV.**

Contributors

Mauchart, Burchard David, 1696-1751.
Beger, Christoph Paul.

Publication/Creation

Tubingae : Typis Joh. Dav. Bauhofii atque Joh. Theoph. Franckii, [1744]

Persistent URL

<https://wellcomecollection.org/works/vbm9rupd>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

HYDROPTHALMIA
SIVE
HYDROPS OCULI.

PERMITTENTE
GRATIOSA FACULTATE MEDICA

P R Æ S I D E

BURC. DAV. MAUCHART,
Med. & Chir. D. Har. & Anat. Prof. Ord.
Consiliar. & Arch. Wirt.

DISPUTATIONE VENTILABITUR

P R O L I C E N T I A

Summos in Medicina Honores & Privilegia Doctoris
rite capeffendi,

R E S P O N D E N T E

CHRISTOPH. PAULO BEGER, *Reuttlingensi.*

Die 14. Febr. An. MDCCXLIV.

T U B I N G Æ,

Typis JOH. DAV. BAUHOFII atque JOH. THEOPH. FRANCKII.



§. 1.



Bulbus oculi vocatur globus ille , tunicis, continentibus, atque humoribus, contentis, in sphæricam quasi rotunditatem coactus , orbita conclusus , organum visus constituens continensque.

§. 2.

Bulbi hujus *magnitudo pondusque* pro diversa hominum adultorum conditione variant tantisper. Medium calculi tenendo , deprehenditur bulbus, pinguedine musculisque liberatus , è cadavere , brevi à morte , erutus pendere 147½. grana : Axis ejusdem 11. lineas cum $\frac{1}{3}$. & Diameter 11. lineas cum $\frac{1}{2}$. emetiri. (a.)

§. 3.

Maximum compagi *robur* *fœnerantur* tunicæ *sclerotica*

(a) Petit, Med. Lettre, in 4.to Paris. An. 1724. & in Memoir. de l'Acad. des scienc. An. 1728. edit. Amstel. p. 408. seqq. ubi & pondus humor. oculi humani traditur. Determinavit jam antea qq. *Plempius* in ophthalmograph. p. 43. humoris aquei pondus ad gran. iij. vel iv.

ca atque *cornea*, tenaces, validæ, (*b.*) expansioni nimiae plurimum renitentes.

§. 4.

Est vero & sic dictis *oculi humoribus determinata quantitas* : *Aquei* circiter granorum v: *Crystallini* gran. ivß: *Vitrei* gr. civ. Unde quàm exigua sit utriusque sic dictæ *oculi cameræ capacitas*, nonnisi gr. iv. v. ad summum vj. humoris aquei naturaliter admittens, facile patet?

§. 5.

Paucissimum esse recens natis infantibus humorem aqueum testatur modò laudatus *Petit* observationibus repetitis. (*c.*) *Variat quantitas* ejus in diversis adultorum subjectis non modo, sed haud raro quoque in binis unius ejusdemque individui oculis. Neque unum eundemque jugiter perstare, sed resorberi veterem atque dissipari, novumque generari perpetua secretionem, sequentia probant argumenta: Reliquorum corporis nostri fluidorum similis conditio: Humoris aquei evaporabilitas per corneæ poros: Prompta facilisque regeneratio post simultaneam ejusdem evacuationem per vulnus corneæ, seu artificiale, seu casuale, in fistula corneæ, hypopyi operatione &c. Falsum igitur est, quod statuit *Plempius* in ophthalmograph. P. I. C. 16. p. 44. quod nempe semel evacuatus in adultioribus (in comparatione scil. ad ætatem infantilem atque puerilem) fere semper sit irreparabilis.

§. 6.

(*b.*) Talem esse corneam nuper demonstravimus in peculiari disp. de hac tunica. Scleroticam alio sistemus tempore.

(*c.*) E corneæ crassitie, rugositate, nimisque pauca quantitate humoris aquei deducit *Petit* causam: cur infantes recens nati non videant distincte? Mem. de l'Acad. An. 1727. pag. 349.

§. 6.

Cameram oculi anteriorem terminant cornea atque iris : posteriorem uvea, lentisque crytallinæ, propria tunica conclusæ, superficies anterior. Pupilla, s. foramen uveæ plus minus rotundum amplumque, constituit medium communicationis utriusque cameræ: Quarum anteriorem esse ampliorem posteriore tot evictum est experimentis (d.) contra Woolhusium, sicut jam olim hoc ipsi coram testatus est Præses.

§. 7.

Qualitates manifestæ humoris aquei hæ sunt: Color diaphanus, clarus, aquâ tamen pura minus limpidus: Substantia fluxilis, sed lenta tamen & saponacea quasi pinguis. (e.) Juniorum animalium fluidior est atque limpidior: Sapor atque odor nullus. Servatus tamen aliquot dies in vitro putrescit atque foetet, ut albumina ovi in vitro per octiduum servata.

§. 8.

Humoris hujus è brutis collecti 3v. (f.) stiterunt
A 3
Nuckio,

- (d) Viror. celeb. Heisteri, Morgagni, Winslovii, Petiti.
 (e) Galenus comparat humorem aqueum cum ovi albumine: alii etiam hinc albuminosum vocavere. Vocavit tamen & Galenus L. I. de Sympt. caus. c. 2. ὑγρὸν ὑδατοειδές; Ast albumen ovi propriis terminis continetur, non diffluit, sicut humor aqueus. Unde Vesalius, ut galenicam comparisonem salvet, prætexit, Galenum intellexisse illam ovi aquam, quæ, dum illud coquitur, putamini, sudoris in modum incumbit: Vel ipsum etiam albumen, virgis aliquandiu, aut aliâs agitatum, & fluxile redditum, quæ plurimorum est interpretatio.
 (f) Difficulus ex hominum cadaveribus una vice colligeretur suffi-

Nuckio, loc. cit. per *destillationem* è *retorta*, leni igne, humorem aqueum, in *coagulum album*, sed tenuioris consistentiæ, abeuntem & brevi post in plurimas *bullulas* (instar smegmatis hispanici, aqua agitati) mutatum, sed crassioris jam consistentiæ: *aquam* in vas recipiens stillantem, *limpidam* & admodum pellucidam: destillatione ad siccitatem continuata, aquæ destillatæ, sapore & odore omni destitutæ 3iiß. *caput mortuum* gr. xxij. coloris ex obscuro flavi, tenaciter cohærens, excepta portione exigua friabili, odoris empyreumatici, falsedinis in ore manifestæ. (g.)

§. 9.

Subjectum secretionis hujus aquei humoris in uveæ tam anteriore quam posteriore ponimus superficie: quoniam in pupillæ omnimoda vel constrictione & concretione, vel obvelatione & infarctu per adglutinatam circumquaque, aut impactam cataractam, nihilominus utraque oculi regio, seu camera, humore suo gaudet aqueo.

§. 10.

Vasa, colatorium speciale, quæ sint? in diversum abeunt

sufficiens quantitas humoris aquei ad experimentum destillatione faciendum. Analogum, aut non valde diversum supponere licebit brutorum humorem aqueum.

(g.) Ant. Nuck Sialograph. & ductuum aquosor. anatome nova. 8. Lugd. Bat. 1690. p. 140. seqq. & p. 153. seqq. Caput mortuum porro examinare vel elixiviando, vel fortiore igne urgendo, vel aquam destillatam reagentibus explorare neglexit. Confer. quæ Boerhavius tradit de examine chymico albuminis ovi, Chem. P. 2. p. 345. s. ubi monet, salini nihil inesse albumini ante ignis actionem applicatam. Ignis ergo & heic infidus analysta!

Eunt authores: aliis arteriarum oculi internarum extremitates: aliis glandulæ, sed nondum demonstratæ, in ligamento ciliari: aliis nervi oculi: aliis crystallina lens vitreumque corpus, transudantia humorem aqueum: aliis vasa lymphatica: *Nuckio* aquæductus, quos vocat, sive propagines ramuli arteriæ carotidis internæ, foramine optico egressi è cranio in orbitam, & aliquot ramusculis scleroticam perforantis, qui uveam ac iridem exornent, non sanguinem, sed lympham, humoris aquei materiem, vehentes: (b.) Vascula oculorum aquosa adducentia, quorum in utriusque oculi orbita unus truncus è novo reti arterioso arteriæ carotidis ortus, in duos ramos divisus scleroticam aliquot locis perfodit, per choroideam pergit, circulum arteriosum uveæ format, ex hoc oblique demittit ramulos, quos *Hovius* vocat vasa nevrolymphatica, proximos humoris aquei fontes, in tract. de circular. humor. oculi motu.

§. II.

Præfixa brevitatis non finit nos immorari excutendæ, vel dirimendæ huic liti. Supponimus tamen ex æquo, myriades arteriolarum & ex harum lateribus derivatos canaliculos, diaphanam atque tenuiorem vehentes lympham, in choroidea ac uvea obvios, hujusque præsertim sic dicto circulô arterioso, stillare humorem aqueum instar roris in utramque oculi cameram: Ejus vero portionem quandam poris corneæ elabi, ac reliquam in vasa abducentia,

(b) Chrouet, Hovius &c. demonstrare, quod ductus Nuckii aquosi non actu vehant humorem aqueum, sed sanguinem. Admittuntur tamen pro fontibus, s. scaturiginibus trium oculi humorum. Vid. Hovii de circ. humor. oculi motu, p. 47.

centia , *lymphatico - venosa resorberi* , sicque humorem aqueum circulari motu jugiter & adferri & referri.

§. 12.

Arteriae , oculi interiora subeuntes , sunt à carotidis internæ , cranium ingressæ ramulis anterioribus , foramine optico , ac inæquali seu lacero (quod vocat Heisterus : Galli fissuram orbitalem superiorem :) è cranio exeuntibus , & partim cum nervo optico cavum oculi intrantibus , partim hic ibi scleroticam perforantibus , atque tunicis choroideæ , retinæ uveæ , &c. insertis. Ramis hisce carotidis internæ junguntur per anastomosin , circa medium bulbi , rami carotidis externæ orbitales , qui ab ejusdem ramo maxillari interno proficiscuntur.

§. 13.

Venæ sanguinem lymphamque , ex oculo reducentes infundunt partim jugularibus venis , partim sinibus duræ matris , per *Santorini* sic dicta emissaria. (i.)

PATHOL. ET SEMIOLOGIA.

§. 14.

Humor aqueus afficitur p. n. iniquatione varia , commixto *Sanguine* , in Hypohæmate : *Pure* , in Hypopyo & Empyesi : *Lympha* albicante , lactea , in cataracta cystico-lactea , rupta , vel perforata : *Flavedine* aliquando , in ictericis : *Filamentis* , atomis albidis , griseis , nigricantibus , in cataracta incipiente membranacea , & separatis per

(i) De his arteriis venisque plura vide in Winslow Expos. anat. Halleri Icon. nervor. & arteriar. oculi : Taylor mechanisme de l'oeil.

per ictum, contusionem, moleculis nigris ex uveali humore fusco-nigro: *Incrassatione*, lentore, spissitudine: aut *nimia tenuitate*, fluxilitate: Sed & *nimia quantitate*, in *Hydrophthalmia*. De iniquatione humoris aquei in hypopyo, hypothæmate, ictero, jam tractavimus in præmissis dissertationibus. Jam differemus de Hydrophthalmia.

§. 15.

Hydrophthalmia est morbus conformationis bulbi ocularii, in magnitudine aucta, expansione p. n. li nimia tunicarum ejus omnium, in hemisphærio oculi anteriore potissimum, sicque aucta ejusd. dimensione in longum, latum & profundum, à specifica causa, humore scil. aqueo, p. n. aucto, copiosiore & stagnante in sic dictis oculi cameris, anteriore ac posteriore. Dicitur ἀπὸ τῆς ὕδατος aqua, & ὀφθαλμία, ocularia ægritudo. Audit etiam *hydrops oculi*: Die Augen-Wassersucht: Gallis *Hydropisie de l'oeil*.

§. 16.

Hydrops hic oculi similis est illi, quem *Fabricius Hildanus* vocavit *Hydrocardiam*, serum in cavo pericardii nimium: aut dilatationi & protuberantiæ sacci lachrymalis, quam *Anellus* appellavit *Hydropem sacci lachrymalis*: aut *Hydrocephalo* interno, colluviei serosæ in ventriculis cerebri p. n. li &c. Unde appellatio Hydropis ocularii ciuitate medica donatur, quamvis aliàs hydrops prædicetur de illis l. cavitatibus majoribus, l. interstitiis, quæ naturaliter nullo liquore, saltim notabili, irrigantur, uti sunt hydrops pectoris, ascites, anasarca, hydrocele.

§. 17.

Ab hydrophthalmia differunt: *anasarca palpebralis*, quum palpebra l. superior l. inferior, l. utraque simul, B sero

fero sub cute turgent, bulbo oculi in dimensione iusta servato. Anasarca, seu *œdema adnatæ tunicæ* sero turgentis & totum oculi hemisphærium antèrius aliquando obducentis, & linearum aliquot crassitie prominentis, aut exiguum saltem in medio locum vacuum relinquentis, per quem transpiciit cornea. Distinguuntur facile pariter *phlyctenæ*, bullæ sero limpidò infarctæ, majores minoresve in adnata, circulo corneæ, imò sub ipsa epidermide corneæ.

Illam vero *corneæ* l. particularem, in aliqua duntaxat sui regione, l. universalem, in tota superficie, *protuberantiam*, ex arrosis vulneratisve ejusdem lamellis sive externis, sive internis, atque sic reliquis, nondum erosis, extrorsum protrusis atque ab humore aqueo propellente turgescens, *ad herniæ & prolapsus corneæ speciem* magis referimus.

§. 18.

Bulbi ocularii ex orbita *prolapsus*, procidentia, Græcis *Celsoque* proptosis, *ecpiesmus* s. expressio, *exophthalmia* denotant bulbum oculi sede sua motum, forâs ex orbita prominentem, extra palpebras propendentem, bulbo vel in naturali magnitudine, saltem aliquandiu, persistente, vel eâdem aucta, plus minus notabili. Si bulbus insigniter, instar oculi bovini, turgescat, vocatur *Buphthalmus*, s. *Buphthalmia*, à βῆς, bos & ὀφθαλμός, aut particula intensiva βῆ.

§. 19.

Solet in *hydrophthalmia* bulbus omnino etiam ad ultimum sic intumescere, ut buphthalmiam constituat; sed non omnis buphthalmia est à vitio abundantis aquei humoris: Imò mole auctus oculus se proripit è sede orbitali forâs, atque incurrit *exophthalmiam*. Sunt vero &
pro-

prolapsus ocularii bulbi, justam dimensionem servantis, sine buphthalmia. Hinc male confunduntur à nonnullis authoribus.

§. 20.

Hydrophthalmiæ *diagnos*is : Successivum globi ocularii augmentum, naturalem dimensionem superans $\frac{1}{3}$ parte, l. dimidia, l. altera tanta : Turgida tensio : Cornea plus solito elevata & prominula : Iris autem profundior, à superficie interna corneæ remotior : (k.) Pupilla immobilis, aliquando amplior, aliàs strictior, angustior : Visus ab initio illibatus, successive debilior, obscurior : Maxime cum, ut subinde fit, caliginosa corneæ obnubilatio,

B 2

(k.) Innuunt hæc omnino spatium anterioris oculi cameræ multo auctius ampliusque, majorique humoris aquei quantitate repletum, quam naturaliter solet. Verùm, sicuti hæc major liquoris copia nihil visui præjudicat, ita neque lenti crystallinæ situm infert mutatum, & depressionem versus centrum oculi, quamvis supponatur, proportionate majori humoris aquei quantitate simul irrigari secunda quoque oculi regio : Neque figuram crystallini mutat in superficie sua anteriore, è convexa in planam ; è quibus phænomenis rationem deduxit cel. olim Scheidius in disp. de visu vitiato, Argent. 1676. p. 49. cur objecta, in tali oculi constitutione, videantur minora, quam revera sunt ? Impugnavit nuper Scheidium Dom. de Mours, Med. Paris. in observat. historiæ naturalis & morbor. oculi, adjectis versioni gallicæ observationum medicar. Societatis Edimburg. in Scotia ; Quamvis autem Scheidius non tam provocet ad pondus humoris aquei gravitans in superficiem lentis crystallinæ, complanando eam, uti videtur Scheidii verba intellexisse Dn. de Mours, sed ad tensionem processuum ciliarium, ab exuberante aquei copia, aut affluxu humoris inductam, unde crystallini superficies convexa quadantenus explanetur ; Tamen & hæc processuum ciliarium

bilatio, humorisque aquei turbiditas fociuntur: aliquibus dolor tensivus, obtusus circa fundum oculi, licet perpetuus fere, valde tamen mitis, aliis multo gravior est cum ejusdem lateris affecti hemicrania, stupore partium faciei, aliquando emphysemate totius lateris & odontalgia, insomniis. Accedunt sub molis ulteriore incremento exophthalmia, illacrymatio, ectropium.

§. 21.

Turgescentia & incrementum p. n. le humoris vitrei adauget itidem notabiliter dimensionem oculi, duramque infert ei tensionem; si tamen absque juncto humoris aquei accidat incremento, hinc facile distinguitur, quod teste *Woolhusio*, humoris vitrei limbus circa crystallinam lentem elevatus huic umbram offundat, atque strabismus versus superiora efficiat, duritiem extraordinariam bulbo conciliet, doloremque obtusum cum notabili visus diminutione inducat. Iris procul dubio tunc etiam ad corneam magis appropinquabit, & convexitatem induet, verè talem, sed morbosam omninò. (1.)

At,

rium supposita tensio per humorem aqueum exuberantem, in nostro hydrophthalmiæ casu videtur nec tanta esse, quia maxima humoris aquei pars in anteriore camera continetur, & corneam magis, quam uveam, distendit, tum quoque portio humoris aquei in camera posteriore conclusa æquilibrat unà c. humore vitreo anteriorem quantitatem; Nec, si vel maxime concedatur, tantæ efficacix, quæ anteriorem lentis crystallinæ superficiem convexam queat complanare, saltem notabiliter, quoniam processus ciliares non inferuntur in crystallinam lentem, sive tunicam ejus, sed in tunicam vitrei corporis, in peripheria lentis crystallinæ.

(1) Naturaliter, in sano statu, iridem non esse convexam, sed planam solidis demonstravit argumentis Petit, Medicus. *Memoires de l'Acad. des scienc. An. 1728. p. 307. seqq.*

At, si p. n. le *augmentum humoris aquei vitreique concurrat*, quod à priori, & per *Nuckii* observationes in *Sialographia nova* p. m. 123. fieri posse ac solere constat, *difficilior est diagnosi*, nisi, è mole nimia, velocius *increscente*, ac insigni *duritie & strabismo*, utriusque *viti* conjunctionem hariolari liceat.

Neque vero quoad curationem magni interest hoc discrimen. Ad summum enim *paracentesis*, in *sclerotica* debite instituta, unâ *fidelia* duos *parietes* dealbat.

§. 22.

Prognosis. Pedetentim *increscit ordinario moles* per menses, atque diu *subsistit in certo notabili expansionis gradu*. *Rarissimè diminuitur sponte*. *Medicamentis etiam difficulter dissipatur*, si *malum sit inveteratum*, &, si *decreverit*, *visus tamen plus minus labefactatur*. Si *humor aqueus sit concretus, congelatus quasi, turbidus, cataractam mentiens*, *tenuem facit curationis spem*; Si vero *liquidus, fluidus atque limpidus perstiterit*, *plenior*. *Facilior etiam est curatio hydrophthalmiæ è vitio adducentium vasorum, quam abducentium*. *Accedente interna externaque inflammatione partes oculi internæ facile destruuntur suppuratione, aut labefactantur, cornea exeditur, crepat, atque sentinam humorum eructat, nisi hæc præveniat tempestitiva incisio, sive punctio*. *Hæc vero aliquoties ordinario repetenda est, quoniam post unam alteramque punctiorem bulbus, qui hinc subsederat, novum capit incrementum, donec tandem intra debitæ magnitudinis limites consistat, vel in minorem se contrahat globulum, id quod satis est ordinarium post prægressam suppurationem internam & synchyfin, s. con-*

B 3
fusionem

fusionem destructoriā trium oculi humorum, præcipue vitrei. (m.)

§. 23.

Hydrophthalmiam retulimus §. 15. ad genus morborum conformationis in magnitudine aucta. *Causa proxima* est humor oculi aqueus stagnans, abundans, distendens corneam atque scleroticam. Potest vero harum quoque laxitas cum atonia conspirare. Crassior aliquando turbidusque simul fit aqueus humor ex ipsa stagnatione, & tenuioris suæ portionis resorptione in vasa abducentia, & diffusione per corneæ poros. Capiunt vitium, ni moveantur, aquæ! Hinc etiam in hydrope pectoris, ascite, hydrocele serum extravasatum non flavi tantum & lixiviosi, sed & varie turbidi, viridescantis, albescentis &c. haud raro conspiciamus coloris, & consistentiæ crassioris, viscidæ, ramentosæ, feculentæ &c. Propter hanc p. n. lem suam crassitiem præcludit sibi consuetam exitus viam, quam in statu naturali habet ex parte, nimirum per corneæ poros.

Causam vero stagnationis & augmenti humoris aquei proximam ponimus in vasis ejus abducentibus obstructis, compressis, adstrictis, superfluum non referentibus §. 11. 13. dum nihilominus vasa adducentia vel naturalem aquei quantitatem, vel & solito majorem continuo afferunt effunduntque in sic dictas oculi cameras.

§. 24.

Sed, abducentibus vasis salvis, *causa etiam inherere* potest vasis adducentibus laxis, nimia humoris, ejusque serosi nimis, fluxiliorisque jugiter affluentis quantitate irrigatis, ut abundanti sic humori aqueo satis absorbendo revehendoque imparia fiant reducentia vasa, naturaliter constituta.

Difficultate non caret distincta certaue *diversæ* hujus *causæ diagnosi*. Anastomosin quidem morbificam vasorum adducentium, atque lympham fluxiliorem, copiosam arguere videntur ætas puerilis, temp. phlegmaticum, prægressi frequentes catarrhi tenues, falsi, aut ophthalmia serosa, humoris aquei pelluciditas consueta, visui

(m) De eventu hujus operationis plura dabimus proxima occasione, ubi de paracentesi ocularia agemus.

visui naturali similior, velox hydrophthalmiæ incrementum, ejusque facilior promptiorque curatio.

Vasorum reducentium culpam produnt dyscrasia humorum viscida, catarrhi crassi, gramiæ viscidæ, crustosæ, humor aqueus per corneam transparens turbidus, visus obnubilatus.

THERAPIA.

§. 26.

Indicationes : 1.) Resolvere, discutere obstructions vasorum abducentium, s. revehentium humorem aqueum. 2.) Attenuare, corrigere cacochymiam viscidam, crassam impuram, ut totius massæ sanguinæ, sic in specie humoris aquei stagnantis. 3.) Acrasiam serosam, fluxilem, divertere, revellere, evacuare per alia emunctoria, alvum, renes, cutem, nares &c. dehinc incrassantibus, mucilaginosi, absorbentibus figere. 4.) Dissipare stases in oculo inflammatorias, in- & -externas. 5.) Tunicis oculi, scleroticæ atque corneæ præsertim, robur addere, blandam adstrictionem conciliare, ut & ipsæ reagant fortiusque repellant stagnantem aqueum humorem, ac hydrophthalmiæ recidivam impedian. 6.) Humorem aqueum abundantem, impurum, si medicamentis non auscultet, evacuare per chirurgicam operationem, oculi paracentesin. 7.) Si interna suppuratio sit inevitabilis, hæc emollientibus & paucis promovenda pus tempestive emittendum, quemadmodum fit l. in hypopyo, l. empyesi. (n.)

§. 27.

Subordinantur hæ sibi *indicationes* pro ratione morbi, causarum, incrementi, durationis, præmissorum jamjam remediorum, tolerantia ægroti &c. suum ergo cuique tribuet dogmaticus ophthalmiater, justoque singula adhibebit modo ac tempore, & primo quidem è *Fonte Dietetico* in genere præcipitur aer tepidus, purus: victus εὐχρυστος καὶ εὐπεπλτος, modicus, specialiter vero in casu intemperiei viscidæ humorum, aperitivus, tenuis, incisivus, aromaticus, contra serum fluxile nimis ac tenue, incrassans magis, gelatinosus. Ibi potus vinosus, aromaticus, hic aquoso-mucilaginosus. Motus corporis placidus.

§. 28.

(n) Post evacuationem puris quid sit agendum, servamus ad operat. chir. abscessus interni oculi, sepedi, extirpationis oculi.

§. 28.

E fonte pharmaceutico : *Evacuantia*, laxantia, purgantia per epicrasin, vel repetita brevibus intervallis : Pilulæ præsertim è MP: de Succin: Crat. ♀: d. rite parat. Resin: jalap. ol: dñt: anis. Diaphoretica, Diuretica cum incisivis remixta : Errhina, sialogoga, masticatoria.

Ex *Alterantium* classe, *Resolventia*, *Discutientia*, *Aperitiva*, interna : Infusa theiformia, Decocta, è rad: angelic. Scorzon. Pimp: min. Hirundinar. Carlin. Valer. Sarsæp. L: Sassafr. Sem: fœnic. &c. Efs: pimpinel. Succin. Scord. L: Sassafr. TR. ♂: acr. Mixt: S: L: TR: ♂: ♀: Lud. - ♂: cydon. &c. Millepedes, Rad. valer. &c. in pulvere.

Externa : discutientia in sacculis humidis atque siccis, toties in præmissis dispp. laudata. Maritanda cum leniter desiccativis, adstrictivis. In casu autem suppurationis oculi internæ cataplasmata emollientia, paregorica.

§. 29.

E fonte chir. generalia primo huc spectant illa præsidia, quibus materia morbifica ab oculis divertitur, revellitur, derivatur, evacuat per clysmata stimulantia, purgantia, vesicatoria, fonticulum in artubus, setaceum nuchæ & auricularum, hirudinum applicationem post auriculas, ad tempora, venæsectionem pedis, brachii, cucurbitulas scarificatas in dorso, nucha : *Specialiter* vero & efficaciter per *Paracentesin*, perforationem, punctiōnem oculi, vel in sclerotica, vel cornea, atque simultaneam sic evacuationem humoris aquei, superabundantis. Sub incudem vocabimus aliàs hoc thema peculiari dissertatione.

§. 30.

Cautela practica : Non opponenda statim in principio sunt adstrictiva fortia topica. Hæc magis quadrant post præmissa resolventia & depletum paracentesi oculum. Inepta, frustranea, imo periculosa est prolapsi oculi repositio tentata, dum bulbus adhuc valde turget atque tumet. Fidem suam nunquam temere adstringat ophthalmiater de visu heic servando integro, neque paracentesin eo differat usque, donec omnia in oculo fusque deque mota sint.

Breves è voto Domini Respondentis fuimus, modo non simul obscuri!

T A N T U M!